

大清會典理藩院事例

第 十 二 冊

大都會建築院事例

中國藏學史料叢刊 第二輯

大清會典理藩院事例 續編十二冊函函

原 著 (清) 崑岡等撰

編 輯 中國藏學研究中心

主 編 多杰才旦

副主編 陳家道

廖祖桂

責任編輯 王哲卿

出 版 中國藏學出版社

印數 一—五〇〇

書號 ISBN 7-80057-065-7/D2

定價

錦套 二百六十元
插套 二百二十元

欽定大清會典事例卷九百九十五

理藩院

刑法盜賊二

捕逃

疏脫罪囚

發冢

嘉慶元年奏定。凡聚衆行劫。及同謀毆傷事主等案。如獲犯訊供首犯在逃。將為從者照例定擬。羈禁。俟逃犯弋獲時。質訊明確。再行定擬。○三年議准。蒙古盜竊微物。折價值牝牛一羊一等案。仍照舊例罰九辦理。其折價值銀至八兩以上者。即照盜竊馬駝牲畜之例。按數分別定擬。○四年奏。偷盜杜爾伯特馬十二匹之烏梁

海。照蒙古例。新投誠烏梁海盜竊十牲之數。不論首從。俱擬絞監候。秋審時入於情實。奉

旨。邊內杜爾伯特土爾扈特等。若偷盜馬匹等物。皆立行正法。今烏梁海偷盜杜爾伯特馬十二匹。定擬絞候。不足示儆。嗣後邊內如有此等偷盜事件。即照此將為首者擬絞立決。為從者擬絞監候。入於秋審情實。五年奏准。偷竊馬匹牲畜。一年內數次者。毋庸併贓計算。仍照二罪並發。從其重者科斷辦理。○七年定。蒙古地方偷竊四項牲畜者。不論首從。如其祖父母父母年老有疾者。由該札薩克

等詳細查覈。取具甘結後。均准其存留養親。○
八年議准。偷竊金銀皮張布疋糧米等物。如贓
自十兩至四十兩。仍照舊例鞭責。五十兩至七
十兩者。發山東。河南等處。八十兩至一百兩者。
發湖廣。福建。江西。浙江。江南等處。自一百兩以
上至一百二十兩者。發雲南。貴州。廣東。廣西等
處。一百二十兩以上者。絞監候。○九年奏准。蒙
古地方喇嘛等。有犯偷竊等罪。聲明親老丁單。
援請留養之例。查明該犯親老丁單屬實。平日
在該旗當差。仍與老親同居藉以養贍者。方照

例留養。如居住廟宇不養老親者不准。○又定。蒙古地方偷竊牛馬駝案內。有四歲牛犢五歲馬駒五歲駝駒者。照偷羊之例。以四匹為一匹辦理。不及四匹者。照偷羊不及四隻例。分別鞭責發落。○十年奏准。蒙古地方牧廠官兵偷竊官牧牛馬駝隻。或私行售賣。或宰殺私食。或為已產者。一匹至九匹。牧官革職。發往黑龍江當差。牧兵不分首從。僉妻子發往黑龍江給兵丁為奴。雖經同謀並未同行。無論竊後已未分贓。均枷號六十日。滿日鞭一百。十匹以上者。無論

官兵首從。一併擬絞。將首犯立決。同行為從者。監候。秋審入於緩決。雖經同謀並未同行。無論竊後已未分贓。均擬發遣雲南貴州廣東廣西煙瘴地方。交驛站充當苦差。其並未同謀。僅止竊後知情分贓換贓故買代賣代存者。均枷號六十日。滿日鞭一百。其蒙古民人夥同官牧人等偷竊牛馬駝隻者。照官役人等一律問擬。其並未同謀。僅止竊後知情分贓換贓故買代賣代存者。亦枷號六十日。滿日鞭一百。其蒙古民人偷竊官牧牲畜。照此辦理。其官牧羊隻一項。

仍按四隻合一問擬。至牧廠官兵自行偷竊之案。其失察之該管札薩克。罰俸二年。台吉官員。罰二九牲畜。他人偷竊之案。該札薩克。罰俸一年。台吉官員。罰一九牲畜。○十五年定。蒙古地方偷竊銀兩什物。其價值自一兩至十兩。為首者。鞭九十。為從同行分贓者。鞭八十。雖經同謀並未同行。但於竊後分贓者。鞭七十。偷竊十兩以上至四十兩。為首者。鞭一百。為從同行分贓者。鞭九十。雖經同謀並未同行。但於竊後分贓者。鞭八十。偷竊四十兩至七十兩。為首者。發遣

山東。河南。交驛充當苦差。為從同行分贓者鞭一百。雖經同謀並未同行。但於竊後分贓者。鞭九十。偷竊七十兩以上至一百兩。為首者。發遣湖廣。福建。江西。浙江。江南。為從同行分贓者。發遣山東。河南。均交驛充當苦差。雖經同謀並未同行。但於竊後分贓者。鞭一百。偷竊一百兩以上至一百二十兩。為首者。發遣雲南。貴州。廣東。廣西。煙瘴地方。為從同行分贓者。發遣湖廣。福建等省。均交驛充當苦差。雖經同謀並未同行。但於竊後分贓者。鞭一百。偷竊一百二十兩以

上。為首者。絞監候。秋審入於緩決。為從同行分
贓者。發遣雲南。貴州。廣東。廣西。煙瘴地方。雖經
同謀並未同行。但於竊後分贓者。發遣山東。河
南。均交驛充當苦差。台吉等有犯以上各項罪
名者。俱照偷竊四項牲畜之例辦理。○又定。首
犯擬死罪案內。如有雖經同謀並未同行分贓。
及並未同謀並未同行。僅止竊後分贓者。台吉
等罰三九牲畜。平人鞭一百。首犯擬遣案內。如
有雖經同謀並未同行分贓。及並未同謀並未
同行。僅止竊後分贓者。台吉等罰二九牲畜。平

人鞭八十。首犯擬鞭責案內。如有雖經同謀。並未同行分贓。及並未同謀。並未同行。僅止竊後分贓者。台吉等罰一九牲畜。平人鞭六十。○又定。凡有知情窩贓。買贓代賣。換贓。無論首犯定擬何罪。台吉等罰七牲畜。平人鞭五十。不知情者不坐。○又定。偷竊各案。知情隱匿不報者。台吉等罰五牲畜。平人鞭四十。不知情者不坐。○十六年奏定。官員平人夥衆強劫什物。除殺人傷人從而加功者。仍照舊例辦理外。其僅止隨從入夥。並未加功殺人傷人者。比照刑例未傷

人夥盜情有可原免死。發遣雲南貴州廣東廣西煙瘴地方充當苦差。○二十二年定。台吉親屬相盜者。期親罰五牲畜。大功罰一九。小功罰二九。總麻罰三九。無服之本宗罰四九。俱仍追贓給主。○又定。哈薩克私入卡倫偷竊牲畜賊犯就獲。將贓馬一半給事主。一半存公。於存公馬匹內。以一半給獲賊之人。○又定。台吉行劫罪至斬立決者。該札薩克罰俸二年。罪至斬絞監候。及發遣伊犁烏魯木齊者。該札薩克罰俸一年。罪至革去台吉職銜發鄰盟者。該札薩克

罰俸九月。罪至革去台吉職銜不准開復者。該
札薩克罰俸六月。○又定。偷竊牲畜人犯。例發
山東。河南。湖廣。福建。江南。江西。浙江者。該管台
吉罰一九。應發雲貴兩廣者。罰二九。應正法者
罰三九。○二十四年議准。大青山外界連之蒙
古札薩克一體安設卡倫巡緝。緝捕不力。蒙古
員弁分別三限懲處。俟數年後一無劫案。再停
止此例。○又定。被劫案件。經同知詳報將軍。派
員帶同事主赴就近札薩克處守候緝賊。其札
薩克屬下人拏送者。獎賞窩留者治罪。○又定。

沙畢諾爾窩藏搶劫黑徒。應交錫勒圖呼圖克圖嚴拏。儻有窩留及不查緝者。該管十家長發遣。札薩克喇嘛斥革。○道光十九年定。哈薩克私入卡倫竊案。得財者首犯正法。從犯發極邊煙瘴。劫案得財者。不分首從。即行正法。○又定。台吉強劫罪至斬決者。雖親老丁單。不准留養。若罪至斬絞監候。及發往鄰盟者。准其留養一次。再犯不准留養。○又定。強劫未傷人之案。在恩詔以前。內有竊劫牲畜未及十匹者。免其強劫之罪。仍照偷竊牲畜分別發遣鞭責。十匹以上者。

不准援減。○又定。台吉強劫問擬斬絞。緩決各犯。將來減等時。發往鄰盟嚴加管束。○二十年定。凡偷竊牲畜。遣配逾二十年。或未及年限。犯年已逾七十。及因病成廢者。如遇

恩詔。准令釋回。其在配行竊。及脫逃被獲。調發者。俱不准查辦。○又定。台吉親屬相盜。罪犯罰九。無力完交者。革去台吉。六年無罪。開復。○又定。捕盜兵丁拏獲盜犯。即將盜犯所騎馬給原拏之人。○又定。王公等有為盜賊窩主者。罰俸三年。無俸。台吉。罰六九牲畜。○二十二年定。新疆土

爾扈特。杜爾伯特。額魯特。和碩特。輝特。烏梁海等處蒙古偷竊馬牛駝隻。照各札薩克一律辦理。其羊隻一項。仍以四羊作一牲畜合計科罪。○又定。官員平人偷竊牲畜拒捕殺死事主。為首者擬斬立決。為從者並妻子僉發雲貴兩廣煙瘴地方。首從均籍沒產畜。給付被死者之家。○又定。偷竊牲畜拒捕傷人未死。為首者擬絞監候。籍沒產畜。付被傷之人。為從者並妻子發河南山東交驛當差。○二十三年定。承緝盜賊之官員兵役。將已獲盜賊之牲畜財物侵蝕入